



COMUNE DE ROMANA

DELIBERATZIONE DE SA GIUNTA COMUNALE N. 30 DE SU 30/03/2023

OGETU: Aprovatzione de su pianu integradu de atividade e organizatzione(PIAO) 2023/2024

S'annu duamìgia e bintitres sa die trinta de su mese de Martzu a sas 09:15, in sa SALA GIUNTA, acumpridas sas formalidades prevìdidas dae sa Lege de s'Istadu e dae s'Istatutu, s'est reunida sa Giunta Comunale suta de sa presidèntzia de su Presidente Sìndigu CATTE LUCIA.

A s'apellu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	CATTE LUCIA	EMMO
VITZESÌNDIGU	PISANU DARIO	EMMO
ASSESSORE	MELONI PIETRO	EMMO
ASSESSORE	SOLE VALERIA	EMMO

Presentes n° 4 Ausentes n° 0

Partètzipat su Segretàriu Generale Dut. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su Sìndigu CATTE LUCIA, in sa calidade sua de Presidente, leat sa presidèntzia e decrarat aberta sa setziada pro trattare s'ogetu giutu torra in subra.

SA GIUNTA COMUNALE

Premìtidu chi:

- s'artìculu 6, comma 1, de su decretu-lege 9 de làmpadas de su 2021, n. 80, chi tratat "Mesuras urgentes pro s'afortiada de sa capatzidade amministrativa de sas amministrazziones pùblicas funtzionales a s'acumprida de su pianu natzionale de ripresa e resilièntzia (PNRR) e pro s'efitzièntzia de sa giustìtzia", mudadu, cun mudaduras, dae sa lege 6 de austu de su 2021, n. 113, previdit chi pro assicurare sa calidade e sa trasparèntzia de s'atividade amministrativa e megiorare sa calidade de sos servìtzios a sos tzitadinos e a sas impresas e protzèdere a una semplificatzione costante e progressiva e una ingegnierizatzione a nou de sos protzessos puru in matèria de deretu de atzessu, sas amministrazziones pùblicas, ..., de sas cales a s'artìculu 1, comma 2, de su decretu legislativu de su 30 de martzu de su 2001, n.165, cun prus de chimbanta dipendenti, intro de su 31 de ghennàrgiu de onni annu adotant su Pianu Integradu de atividade e organizatzione;
- su comma 2 imbeniente apostivigat sa durada de tres annos de su Pianu, aggiornadu onni annu, apostivighende·nde sos contenidos;
- s'imbeniente comma 6, at prevididu chi cun decretu de su Ministru pro s'amministratzione pùblica, in acordu cun su Ministru de s'econòmia e de sas finàntzias, fatu chi siat un'acordu in sede de Cunferèntzia unificada, cunforma a s'artìculu 9, comma 2, de su decretu legislativu de su 28 de austu de su 1997, n. 281, est adotadu unu Pianu tipu, comente istrumentu de agiudu a sas amministrazziones e, puru, providende in su matessi modalidade semplificada pro s'adozione de su Pianu de su cale a su comma 1 dae parte de sas amministrazziones cun prus pagu de chimbanta dipendenti;
- su comma 3 apostivigat chi in su Pianu siant definidas sas modalidades de monitoràgiu de sos èsitos, cun appuntamenti periòdicos, incluidos sas cunseghèntzias subra de sos impitadores, puru pro mèdiu de relevatziones de s'agradessimentu de sos impitadores matessi pro mèdiu de istrumentos de sos cales a su decretu legislativu de su 27 de santugaine de su 2009, n.150, e puru sas modalidades de monitoràgiu de sos protzedimentos inghitzados cunforma a su decretu legislativu de su 20 de nadale de su 2009, n. 198;

Reconnotu chi:

- in data 30 de làmpadas de su 2022, fatu chi siat un'acordu in Cunferèntzia Unificada, cunforma a s'artìculu 9, comma 2, de su decretu legislativu de su 28 de austu de su 1997, n. 281, de su 2 de nadale de su 2021, est istadu publicadu in sa *Gazzetta Ufficiale* Sèrie Generale n. 151, su Decretu de su Presidente de sa Repùblica n. 81, chi tratat "Regulamentu chi tratat sa sebestadura de sos cumprimentos relativos a sos Pianos assorbidos dae su Pianu integradu de atividade e organizatzione", de sos cales a s'artìculu

6, comma 5, de su decretu-lege 9 de làmpadas de su 2021, n. 80, mudadu, cun modificatziones, dae sa lege 6 de austu de su 2021, n. 113;

- in data 30 de làmpadas de su 2022, fatu chi siat un'acordu in Cunferèntzia Unificada, cunforma a s'artìculu 9, comma 2, de su decretu legislativu 28 de austu de su 1997, n. 281, de su 9 de freàrgiu de su 2022, est istadu publicadu su Decretu de su Ministru pro s'Amministrazione Pùblica chi pertocat sa definitzione de su contenu de su PIAO de su cale a s'art. 6, comma 6 de su decretu lege 9 de làmpadas de su 2021, n. 80, mudadu, cun modificatziones in lege 6 de austu de su 2021, n. 113;

Rilevadu chi su Decretu de su Presidente de sa Repùblica de su 30 de làmpadas de su 2022, n. 81 chi tratat "Reglamentu chi tratat sa sebestadura de sos acumprimentos relativos a sos Pianos assorbitos dae su Pianu integradu de atividade e organizatzione", publicadu in sa *Gazzetta Ufficiale* Sèrie Generale n. 151 de su 30 de làmpadas de su 2022, apostìvigat:

- a s'art. 1, comma 3, chi "*Sas amministraziones pùblicas de sas cales a s'artìculu 1, comma 2, de su decretu legislativu 30 de martzu de su 2001, n. 165, chi no apant prus de chimbanta dipendenti divent respetare sos acumprimentos apostìvigados in su decretu de su Ministru de s'amministrazione pùblica de su cale a s'artìculu 6, comma 6, de su decretu-lege n.80 de su 2021.*";
- a s'art. 1, comma 4, sa sopressione de su de tres perìodos de s'art. 169, comma 3-bis de su decretu legislativu de su 18 de austu de su 2000, n. 267, chi trataiat "*Su pianu a sa minuda de sos obiettivi de sos cales a s'art.108, comma 1, de custu testu ùnicu e su pianu de sos resurtados de su cale a s'art.10 de su decretu legislativu de su 27 de santugaine de su 2009, n. 150, sunt unificados a manera orgànica in su PEG.*", decretende duncas sa partzidura tra su Pianu Esecutivu de Gestione, comente definidu in su mentovadu art. 169, de su decretu legislativu de su 18 de austu de su 2000, n. 267 e sa definitzione de sos obiettivi de resurtadu de s'Amministrazione;
- a s'art. 2, comma 1, chi pro sos Entes Locales, de sos cales a s'artìculu 2, comma 1, de su decretu legislativu de su 18 de austu de su 2000, n. 267, su pianu a sa minuda de sos obiettivi de sos cales a s'artìculu 108, comma 1, de su matessi decretu legislativu e su pianu de su resurtadu de su cale a s'artìculu 10 de su decretu legislativu de su 27 de santugaine de su 2009, n. 150, sunt surzidos in su pianu integradu de atividade e organizatzione de su cale a s'artìculu 6 de su decretu-lege de su 9 de trìulas de su 2021, n.80, mudadu cun modificatziones, dae sa lege 6 de austu de su 2021, n.113.
- su decretu de su Ministru pro s'Amministrazione Pùblica chi pertocat sa definitzione de su contenu de su Pianu Integradu de Atividade e Organizatzione, e puru sas modalidades semplificadas pro s'adotzione de su matessi pro sos Entes chi ant de mancu de 50 dipendenti, apostìvigat:
- a s'art. 2, comma 1, in combinadu dispostu cun s'art. 6 de su Decretu matessi, chi torrat

sas modalidades simplificadas pro redatzionare su PIAO pro sas amministrazziones chi ant de mancu de chimbanta dipendenti, chi su PIAO cuntenet s'ischeda anagràfica de s'Amministrazione e est partzidu in sas Setziones de sas cales a sos artìculos 3, 4 e 5 de su Decretu matessi e onni Setzione est puru partzida in sutasetziones de programmatzione, riferidas a àmbitos ispetzìficos de atividade amministrativa e gestionale, cunforma a s'ìchema de su Pianu-tipu;

- a s'art.2, comma 2, chi *"Sunt escludidos dae su Pianu integradu de atividade e organizatzione sos acumprimentos de caràtere finantzàriu chi non bi sunt in s'elencu de su cale a s'artìculu 6, comma 2, literas dae a) a g), de su decretu -lege 9 de làmpadas de su 2021, n. 80, mudadu, cun modificatziones, dae sa lege 6 de austu de su 2021, n. 113."*;
- a s'art. 6, sas modalidades simplificadas pro s'ammaniadura de su PIAO pro sas amministrazziones chi ant de mancu de chimbanta dipendenti, apostivighende in particulare a su comma 4, chi *"Sas amministrazziones chi ant de mancu de 50 dipendenti protzedint solu a sas atvidades de sas cales a custu artìculu, e puru a cantu prevididu dae su primu perìodu de s'art. 6, comma 1."*;
- a s'art. 7, comma 1, chi *"Cunforma a s'artìculu 6, commas 1 e 4, de su decretu-lege 9 de làmpadas de su 2021, n. 80, mudadu, cun modificatziones, dae sa lege 6 de austu de su 2021, n. 113, su pianu integradu de atividade e organizatzione est adotadu intro de su 31 de ghennàrgiu, cunforma a s'ìschema de Pianu tipu cale a s'artìculu 1, comma 3, de custu decretu, durat tres annos e est agiornadu onni annu intro de sa data mentovada in antis. Su pianu est ammaniadu solu in formadu digitale e est publicadu in su giassu istitutzionale de su Dipartimento de sa funtzione pùblica de sa Presidèntzia de su Consìgiu de sos Ministros e in su giassu istitutzionale de onni amministrazione."*;
- a s'art. 8, comma 2, chi *"In onni casu de diferimentu de su tèrmine prevididu a legislatzione in vigèntzia pro s'aprovatzione de sos bilàntzios de previsione, su tèrmine de su cale a s'art. 7, comma 1 de custu decretu, est diferidu de 30 dies imbenientes a cussu de aprovatzione de sos bilàntzios"*;
- a s'art. 8, comma 3, chi *"In sede de prima aplicatzione, su tèrmine de su cale a s'artìculu 7, comma 1, de custu decretu est diferidu de 120 dies imbenientes a cussu de aprovatzione de su bilàntziu de previsione"*;
- a s'art. 11, comma 1, chi su Pianu Integradu de Atividade e Organizatzione, in sos Entes Locales est aprobadu dae sa Giunta Comunale;

Recramadas:

- sa deliberatzione de sa Giunta Comunale n. 53 de su 25.08.2022, de aprovatzione de su PIAO 2022/2024, cunforma a s'art. 6 de su d.l. n. 80/2021, mudadu cun modificatziones in lege n. 113/2021;

- sa deliberatzione de sa Giunta Comunale n. 59 de su 01.09.2022, de aprovatzione de su monitoràgiu intermèdiu de su PIAO 2022/2024, cunforma a s'art. 6 comma 3 de su d.l. n. 80/2021, mudadu cun modificatziones in lege n. 113/2021;

Ritènnidu netzessàriu adotare su Pianu nou pro sos tres annos 2023/2025;

Cunsideradu puru chi posca de su diferimentu a su 30 de abrule de su 2023 de su tèrmine pro s'aprovatzione de sos bilàntzios dae parte de sos entes locales introduidu cun lege de bilàntziu, pro su 2023 (art. 1, comma 775 de sa Lege n. 197/2022), Ministru pro s'amministratzione pùblica s'Autoridade natzionale contra a sa corrutzione(ANAC), pro sos profilos de cumpetèntzia respetiva, ant cunsideradu de cumpartzire sa proposta essida a pìgiu in sede de Cunferèntzia unificada de unu diferimentu de su tèrmine pro s'adotzione de su PIAO 2023/2025 e, duncas, de su PTPCT (Pianu de Tres annos de Preventzione de sa Corrutzione e de sa Trasparèntzia), no a fora de su 31 de martzu de su 2023 (s'abbàidet su comunicadu de su presidente ANAC de su 17.01.2023 e nota DFP de su 10.02.2023);

Atesu chi custa amministratzione at cunsideradu oportunu aprovare a manera autònoma sos istrumentos de pianificatzione surzidos in su PIAO, est a nàrrere:

- su Pianu de sas atziones positivas, aprovalu cun deliberatzione de sa Giunta Comunale n. 11 de su 26.01.2023;
- su Pianu de preventzione de sa corrutzione e pro sa trasparèntzia, aprovalu cun deliberatzione de sa Giunta Comunale n. 25 de su 02.03.2023;
- su pianu de su resurtadu, aprovalu cun deliberatzione de sa Giunta Comunale n. 27 de su 30.03.2023;

Bida sa proposta de su Pianu Integradu de Atividade e Organizatzione ammaniada dae su Segretàriu Comunale, chi s'est avalèssidu de sa collaboratzione de sos responàbiles de servìtziu;

Reconnota sa coerèntzia de su Pianu cun sos objetivos istratègicos de mandadu e sa completeness de sos contenidos respetu a cantu prevìdidu cun sas modalidades simplificadas pro sos entes chi ant de mancu de 50 dipendenti;

Bidu su d.lgs. n. 74/2017;

cun votatzione de sos presentes a favore totus de acordu,

DELÌBERAT

1. de aprovare su PIAO nou pro sos tres annos dae su 2023/2025;
2. de esclùere dae s'aprovatzione de su PIAO sos acumprimentos de caràtere finantiàriu non càbidos in s'elencu de sos cales a s'artìculu 6, comma 2, literas dae a) a g), de su decretu-lege 9 de làmpadas de su 2021, n. 80, mudadu, cun modificatziones, dae sa lege 6 de austu de su 2021, n. 113;

3. de dare mandadu a su Segretàriu Comunale pro dispònner sa publicatzione de custa deliberatzione umpare a s'allegadu Pianu Integradu de Atividade e Organizatzione, a intro de sa Setzione "Amministrazione trasparente";
4. de dare mandadu a su Segretàriu Comunale pro dispònner sa trasmissione de su Pianu Integradu de Atividade e Organizatzione, comente aprovalu dae custa deliberatzione, a su Dipartimentu de sa Funtzione Pùblica, cunforma a sas modalidades definidas dae su matessi, cunforma a s'art. 6, comma 4, de su decretu lege de su 9 de làmpadas de su 2021, n. 80, mudadu cun modificatziones, in lege de su 6 austu de su 2021, n. 113.

PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **DUT. CARTA GIANCARLO** in data **30/03/2023** at espressadu parre **A FAVORE**

PARRE DE REGULARIDADE CONTÀBILE

Cunforma a s'art. 49 c.1 de su T.U.E.L. su Dirigente/P.O. **D.RA CONTINI ANTONELLA** in data **30/03/2023** at espressadu parre a **FAVORE**

Su Presidente
Sindigu CATTE LUCIA

Su Segretàriu Generale
DUT. CARTA GIANCARLO

NOTA DE PUBLICATZIONE N. 159

Cunforma a s'art. 124 de su T.U. 267/2000 su Responsàbile de sa Publicatzione **DUT. CARTA GIANCARLO** atestat chi in data 30/03/2023 s'est protzèdidu a sa publicatzione in s'Albu Pretòriu.

Sa Delibera est esecutiva cunforma a sas dispositziones de lege in vigèntzia

Còpia digitale de documentu informàticu produidu cunforma a su D.Lgs 82/2005 e normas respetivas
cullegadas